

第二名



鄧皓中

行過二二八公園

得獎感言

走過二二八和平紀念公園，心中總會湧起一股複雜而沉靜的情緒，看似平凡安詳的日常，卻承載著臺灣深刻而沉重的歷史記憶。紀念碑靜靜矗立，提醒人們那段不能遺忘的傷痛，也象徵對和平與正義的追求。

這片綠地像是一處讓人停下腳步反思的空間，令人容易感受到時間的流轉與社會的成長。願記憶不被遺忘，願傷痕化為理解與包容的力量。



行過二二八公園

行人誠闊的公園

膨鼠恬恬覷佇無倂懸的榕仔樹跤

我盡量將喘氣的聲說

勻勻仔淺落來。三五个囡仔

按無倂遠所在行來

慢慢窺入翕相機鏡頭的畫面

樹仔頂的膨鼠突然間擘開目睷

露出淡薄仔生驚的眼神

身軀踐兩三下

一陣粉鳥仔按二二八紀念碑方向

飛過臺灣歷史博物館的天頂

幹角。旅行團沓沓仔行過來

跛步落地的聲說愈來愈沉重

窸窣窸窣鑽入耳空

日頭花斜斜照入榕仔樹

射入膨鼠目睷，伊向四箍輾轉巡一遍

輕輕震動喙鬚

擘喙，透一口氣目睷又閤闔起來

翻身，繼續啄龜



我看著伊耳空微微仔震動
按燒熱南風中過濾露天音樂台
放送的歌聲

日頭的光線誠輕
膨鼠佇翕相機快門頂面鬼鬼祟祟

一陣囡仔按斡角的所在行倚來
越頭，彼陣飛過來的烏喙筆仔

日頭猶未落山
樹尾頂的膨鼠繼續盹龜
我暫時禁氣對準拄好翻身的膨鼠翕相

無佞遠，閣來一陣拄拄放學的囡仔
喙笑目笑勻勻仔行來，敢會吵醒
膨鼠杳杳滴滴的夢？

繼續覘佇無佞懸的榕仔後面
開始有淡薄仔煩惱

飛過臺灣歷史博物館天頂的粉鳥
飛倒轉來，飛向二二八紀念碑

飛過膨鼠飛向咱代代相傳
毋願讓步的堅持

